

增補百病辨證錄

卷五之六

閉格門

五則

中滿門

四則

翻胃門

五則

膨脹門

七則

厥症門

七則

春溫門

三十三則

火熱症門

十六則

暑症門

十則

燥症門

十五則

痿症門

八則

辨證錄卷之五

山陰陳士鐸啟之甫號遠公又號朱華子著述

會稽陶式玉尚白甫號存齋又號

參訂

關格門

開門散
乃解鬱
之神劑

人有病關格者食至胃而吐欲大小便而不能出眼睛紅赤目珠暴露兩脇脹滿氣逆拂抑求一通氣而不可得世以為胃氣之太盛而不知乃肝氣之過鬱耳夫關格之症宜分上下一上格而不得下一下關而不得出也今上既不得入而下又不得出是真正關格死生危急之證也治之原有吐法上吐則下氣可通今不必用吐藥而先已自吐是用吐藥無益矣若用下導之法則上既無飲食下胃而大腸空虛即用導藥止可出大腸糟粕鞭屎而不能通小腸膀胱之氣是導之亦無益也必須仍用煎藥和解為宜但不可遽然多服須漸漸飲之初不受而後自受矣方用開門散白芍五錢白朮五錢茯苓三錢陳皮一錢當歸五錢柴胡三錢蘇叶一錢牛膝三錢車前子三錢炒梔子三錢天花粉三錢水煎一盞緩緩呷之一劑而受矣一受而上關開再劑而下格亦通此方直走肝經以解鬱鬱解而關格自痊所謂扼要爭奇也倘用香燥之藥以耗胃氣適足以堅其關門而動其格據矣

此症用通關散亦效

白芍五錢茯苓三錢甘草枳壳神麩各三分白芷莖一錢川芎二錢生薑汁半合桑胡一錢水煎服一劑即開二劑愈愈後須用補腎之劑

辨

證錄

卷五

關格門

人有無故而忽然上不能食下不能出者胸中脹急煩悶不安大小便窘迫之極人為關格之證也
誰知是少陽之氣不通乎夫少陽胆也胆屬木木氣最喜舒泄因寒氣所襲則木不能條達而氣
乃閉矣於是上尅胃而下尅脾脾胃畏木之刑也不敢去生肺氣而併生大腸之氣矣肺金因脾
胃之氣不生失其清肅之令而膀胱小腸無所凜遵故一齊氣閉矣此症原可用吐法一吐而少
陽之氣升騰可愈其次則用和解之法和其半表半裏之間而胆木之鬱結自通二法相較和勝
於吐吐必傷五臟之氣而和則無損五臟之氣也方用和解湯柴胡一錢白芍三錢甘草一錢枳
殼五分薄荷一錢茯神三錢丹皮二錢當歸三錢水煎服緩緩服之三劑則可以開關矣上關一
開而下格自愈此方乃逍遙之變方也逍遙散自有白朮陳皮未嘗不可開關余改用薄荷枳殼丹
皮者直入肝經之藥取其尤易於開鬱也此方全不開關而關自開者正以其善解鬱也

此證用寬緩湯亦妙

柴胡茯苓各二錢當歸三錢白芍五錢甘草蘇葉黃芩各一錢竹葉三十片水煎服二劑愈

人有吐逆不得飲食又不得大小便此五志厥陽之火大盛不能營於陰遏抑於心腸之內頭上有
汗乃心之液外亡自焚於中也存亡之機間不容髮此關格最危之症人以為氣之不通也欲用
麝香片腦之類以劫開其門必至耗散真氣反致歸陰矣法宜調其營衛不偏陰偏陽一味中和毋
犯胃氣使其臟腑自為敷布不必問其關從何開格從何啟一惟求之中焦握樞而運以漸透於
於上下之間自從營氣前通衛氣不閉因其勢而利導之庶無杆格耳方用和平啟關散麥冬五
錢人參五分甘草五分柏子仁三錢滑石敲碎一錢黃連一錢白芍五錢桂枝三分天花粉一錢

五分水煎服一劑而上吐止再劑而下閉通矣此方解散中焦之火更能舒肝以平木木氣既平而火熱自減內中叢妙者用黃連與桂枝也一安心以交於腎一和腎而交於心心腎兩交則營衛陰陽之氣無不各相和好陰陽既和而上下二焦安能堅閉乎此和解之善於開闕也

此證用黃連啟

心湯亦效

人參一錢白朮丹皮各三錢黃連玄參各二錢甘草一錢桂枝三分半夏五分柴胡三分水煎服二劑愈

人有上吐下結氣逆不順飲食不得入澁澇不得出腹中作疼手按之少可人以為此寒極而陰陽易位其脈必濇而伏也法當吐不吐則死然而不必吐也夫上部無脈下部有脈吐之宜也以食填塞於太陰耳今脈濇而伏非無脈之比况所食之物已經吐出是非食填太陰也吐之不重傷脾胃之氣以堅其閉塞乎夫脾胃之所不開與大小腸膀胱之所以閉結者由於腎氣之衰也胃為腎之闕門腎之氣不上則胃之闕必不開腎主大小腸膀胱之氣化亦腎氣化之也腎氣不通於三經則使澁何從而出然則上下開闔之權衡全在乎腎也治法必須大補其腎中之水火腎中之水火足而闕格不治而自愈矣方用水火兩補湯熟地一兩山茱萸四錢茯苓神五錢車前子三錢人參二錢麥冬一兩五味子五分肉桂一錢白朮五錢牛膝三錢水煎服連服二劑上吐止而下結亦開矣再服四劑全愈此方補腎中之水火而又能通腎中之氣氣足而上自達於胃下自達於膀胱大小腸矣倘用香燥之藥以救胃則胃氣愈傷倘用攻利之藥以救膀胱大小腸則膀胱大小腸愈損何日是開闔詳格之日哉

此症用化腎湯亦神效
熟地二兩肉桂二錢水煎服一劑即通二劑全愈

人有一時關格大小便閉結不通渴飲涼水少頃即吐又飲之又吐面赤焦粒未不能下胃飲一杯吐出杯丰脈亦沈伏人以為脈絕也誰知是格陽不宣腎經寒邪太盛之故乎夫腎屬少陰喜溫而不喜寒也寒邪入腎則陽無所附陽欲杜陰而不能陰且格陽而愈勝於是陽不敢居於下焦而盡逆冲於上焦咽喉之間難於容物而作吐矣夫陽宜陰折熱宜寒折似乎陽熱在上宜用陰寒之藥以治之然而陽熱在上而下正陰寒也用陰寒以折陰寒正投其所惡也不特無功而反有大害蓋上假熱而下真寒非用真熱假寒之法從治之斷不能順其性而開其關也方用白通湯治之方中原是大熱之味得人尿猪胆以亂之則下咽覺寒而入腹正熱陽可重回而陰可立散自然脈通而關啟矣然後以大劑八味湯投之永不至關再閉而吐再發也

此證用加味术桂湯亦神效
白术一兩肉桂一錢甘草一分人參二錢丁香一錢水煎服加入尿半盞探冷服之一劑即安

中滿門

人有飲食之後胸中倒飽人以為多食而不能消用香砂枳實等丸消導之似覺少快已而又飽又用前藥久久不已遂成中滿之症腹漸高大臍漸突出肢體漸浮脹又以為臍脹用牽牛甘遂之藥以逐其水內原無水溼之邪水未見出而正氣益虛脹滿更急又疑前藥不勝復加大黃巴豆之類下之仍然未愈又疑為風邪固結於經絡用龍胆茵陳荆芥防風之類紛然雜投不至於死不已猶然開鬼門洩淨府持論紛紜各執己見皆操刀下石之徒也誰知中滿之症實由於

脾土之衰而脾氣之衰又由於腎火之寒也倘用溫補之藥早健其脾氣何如至此之極哉方用溫土湯人參一錢白朮三錢茯苓三錢蘿蔔子一錢薏苡仁三錢芡實五錢山藥五錢肉桂三分穀芽三錢水煎服一劑而覺少飽二劑而覺少寬矣數劑之後中滿自除此方但去補脾絕不消導以耗其氣蓋中滿之病未有不因氣虛而成者不補脾胃之氣則脹從何消况方中加入蘿蔔子最妙助參朮以消脹不輔參朮以添邪又有茯苓薏苡仁芡實山藥之類益陰以利水水流而正氣不耗自然下澤疏通而上游無阻滯之虞矣第恐水寒水凍則溪澗斷流又益以肉桂於水中生火則土氣溫和雪消冰泮尤無阻滯之苦矣奈何惟事於消導遂成不可救藥之病哉

此症用朮苓加桂湯
白朮一兩茯苓五錢肉桂一錢水煎服

人有未見飲食則思既見飲食則厭乃勉強進用飽塞於上脘之間微微脹悶此不止胃氣之虛而心包之火正衰也心包為胃土之母母氣既衰何能生子心包之火不足又何能生胃哉故欲胃之能食必須補胃土而兼補心包之火也方用生胃進食湯人參三錢白朮三錢炒棗仁五錢遠志八分山藥三錢茯苓三錢神麴五分良薑五分蘿蔔子一錢枳殼五分乾薑炒黑一錢水煎服此方治胃無非治心包也心包與胃原是子母何必分治之乎不治中滿而中滿自除此補火之勝於補土也

此證用調飢
散亦妙

人參五分山藥一兩白芍三錢甘草五分肉桂一錢
葛蒲五分肉豆蔻一枚炒棗仁三錢水煎服十劑愈

人有中心鬱鬱不舒久則兩脇飽滿飲食下喉即便填脹不能消化人以為腹脹之漸也而不知皆氣滯之故倘用逐水之藥必且更甚用消食之藥亦止可取一時之快而不能去永久之脹也法宜開鬱為主然而氣鬱既久未有不氣虛者也使僅解其鬱而不兼補其氣則氣難化食脹何以消方用快膈湯人參一錢茯苓五錢白芍三錢白芥子二錢羅漢子五分檳榔三分神麩五分枳殼三分柴胡五分薏仁三錢厚朴三分水煎一二劑輕四劑愈此方解鬱而無刻削之憂消脹而無壅塞之苦攻補兼施自易收功也

此症用舒脹湯亦妙

神麩三錢柴胡五分白芍三錢茯苓羅漢子各一錢厚朴人參各五分白苳蔻三枚蘇叶八分白芥子二錢水煎服十劑全愈

人有患中滿之病飲食知味但多食則飽悶不消人以為脾氣之虛誰知是腎氣之虛乎腹中飽悶乃虛飽而非實飽若作水腫治之則喪亡指日矣蓋脾本屬土土之能制水者本在腎中之火氣土得火而堅土堅而後能容物能容物即能容水也腎之火既虛而土失其剛堅之氣遂不能容物而不能容水乃失其天度之流轉矣故腹飽而作滿即水臟之漸也人不知補腎火以生脾土反用瀉水之法以傷脾無異決水以護土土有不崩者哉是治腎虛之中滿可不急補其命門之火乎然而徑補其火則又不可以腎火不能自生生於腎水之中也但補火而不補水則孤陽不長無陰而生陽即無水以生火也或疑土虧無以制水又補腎以生水不益增波以添脹哉不知腎中之火乃真水也和火欺火以侮土真水助火以生土實有不同故腎虛中滿必補火以生土

又必補水以生火耳方用金匱腎氣丸茯苓六兩附子一枚牛膝一兩肉桂一兩澤瀉二兩車前子一兩五錢山茱萸二兩山藥四兩牡丹皮一兩熟地三兩各為末蜜為丸每日早晚白滾水送一兩初服少脹久服脹除而滿亦盡消補火之聖藥也群藥之內利水健脾之味多於補陰補火者雖意偏於補火而要實於救脾補火者正補脾也故補陰不妨輕而補脾不可不重耳

此證用薑脾湯亦佳

熱地白朮各五錢山茱萸四錢破故布一錢杜仲三錢附子五分水煎服二劑而飽悶除十劑全愈。

翻胃門

人有飲食入胃而即吐者此肝木尅胃土也用逍遙散加吳茱萸炒黃連治之隨手而愈而無如人以為胃病也雜用香砂消導之劑反傷胃氣愈增其吐又改用下藥不應復改用寒涼之味以降其火不獨胃傷而脾亦傷矣又改用辛熱之藥以救其寒又不應始悟用和解之法解鬱散邪然已成噎膈之證矣夫胃為腎之闕門腎中有水足以給胃中之用則咽喉之間無非津液可以推送水穀腎水不足力不能潤澤於胃中又何能分濟於咽喉乎咽喉成為陸地水乾河涸丹膠不前勢所必至且腎水不足不能下注於大腸則大腸無津以相養久必瘦小而至艱澀腸既細小艱澀飲食入胃何能推送下既不行必積而上汎不特上不能容而吐抑亦下不能受而吐也治法必須大補其腎中之水方用濟艱催輓湯熟地二兩山茱萸一兩當歸二兩牛膝三錢玄參一兩車前子一錢水煎服一日一劑十劑必大順也此方純補精血水足而胃中有津大腸有液

自然上下相通而無阻滯之患譬如河漕水淺舟楫不通糧精不能輸運軍民莫不徬徨而喧嘩擾攘忽見大雨滂沱河渠溝壑無非汪洋大水則大舸巨舶得以裝載稷糧自然人情踴躍闕門大開聽其輻運而無所留難也

此證用制肝散亦效甚
白芍一兩吳茱萸五分黃連一錢茯苓五錢水煎服二劑愈何至變成噎膈哉

人有朝食暮吐或暮食朝吐或食之一日至三日而盡情吐出者雖同是腎虛之病然而有不同者一食入而即吐一食久而始吐也食入而即出者是腎中之無水食久而始出者乃腎中之無火也蓋脾胃之土必得命門之火以相生而後土中有溫熱之氣始能發生以消化飲食倘土冷水寒結成冰凍則下流壅積必返而上越矣治法宜急補腎中之火然而單補其火則又不可腎火非腎水不生腎火離水則火又充矣况上無飲食之相濟則所存腎水亦正無多補火而不兼補其水焚燒竭澤必成焦枯之患濟之以水毋論火得水而益生而水亦得火而更生生水火既濟自然上下流通何至有翻胃之疾哉方用兩生湯肉桂二錢附子一錢熟地二兩山茱萸一兩水煎服一劑而吐減半更進一劑而吐又減四劑則吐止矣服十劑而全愈也此方水火兩旺脾胃得火氣而無寒涼之虞得水氣而無乾澀之苦自然上下潤肺而不阻於咽喉下可溫膈而不結於腸腹矣或謂下寒者多腹痛反胃既是腎寒正下寒之謂也宜小腹作痛矣所以食久而吐之病絕不見腹痛豈腎寒非歟不知寒氣結於下焦則腹必疼痛今反胃之病日日上吐則寒氣盡從口而趨出矣又何寒結之有

木平則

胃受益

鬱則胃

受損平

肝則吐

止亦必

然之理

也

濟艱催

轉湯見

前

土得正

火而消

食土得

虛火而

生蟲亦

創誤也

細惡之

即是至

理

此症用加味化腎湯亦神效
熱地二兩山茱萸一兩肉桂三錢已戟天五錢水煎服二劑吐輕十劑全愈

人有時而吐時而不吐則盡情吐此證有似於反胃而非翻胃也此種之病婦人居多男子獨少蓋因鬱而成之也夫鬱則必傷其肝木之氣肝傷木即下剋脾胃肝性最急其剋土之性亦未有不急者其所剋之勢胃土苦不能受於是上越而吐木怒其土之不順受也於是挾其鬱結之氣捲土齊來盡祛而出故吐之不盡不止其有時而不吐者因木氣之少手耳治法不必止吐而惟在乎肝方用逍遙散柴胡一錢白芍五錢茯苓神三錢白朮一錢當歸三錢陳皮三分甘草一分水煎服一劑而吐少止再劑而吐全愈後仍以濟艱催挽湯減半分兩調理可也蓋逍遙散解鬱之後其木枯渴可知隨用濟艱催挽湯急補其水則得木潤而滋榮自然枝葉敷榮矣何至拂鬱其性而作吐哉

此症用增成道
逆散亦神效

白芍五錢茯苓白朮各三錢陳皮柴胡神
各一錢白豆蔻一粒水煎服四劑即愈

人有胃中嘈雜腹內微疼痰涎上湧而吐嘔日以為常蓋蟲作祟非反胃也夫人有水濕之氣留注於脾胃之間而肝木又旺來剋脾胃之土則土虛而生熱此熱乃肝木之火虛火也土得正火而消食土得虛火而生蟲蟲得肝之木氣其性最急喜動而不喜靜飢則微動而覓食飽則大動而跳梁挾水穀之物興波鼓浪而上吐矣然但吐水穀而不吐蟲者何故蓋肝木之蟲最靈畏全氣之剋土居則安入金則死故但在胃而翻騰不敢越胃而遊樂祛水穀之出胃而彼且掉頭而

近恐非於胃為肺金之氣所殺也。治法必用殺蟲之藥佐以下肝之味。然而瀉肝殺蟲之藥未免寒涼剝削肝未必遽瀉而脾胃先已受傷脾胃受傷而蟲亦未能盡殺。必須於補脾健胃之中而行其斬殺之術。則地方寧謐而盜賊難以盤踞。庶幾可盡戮無遺。常靜而不再動也。方用健土殺蟲湯。人參一兩。茯苓一兩。白芍一兩。炒梔子三錢。白薇三錢。水煎半碗。加入黑驢溺半碗。和勻。飢服一劑。而吐止。不必再劑。蟲盡死矣。夫驢溺何以能殺蟲而止吐也。驢性屬金。蟲性畏金。故取而用之。世人有單用此味而亦效者。然而僅能殺蟲而不能健土。土弱而肝木仍旺。已生之蟲難死於頃刻而未生之蟲不能保其不再生也。健土殺蟲湯補脾胃以扶土。即瀉肝以平木。使木氣既平不來剋土。且土旺而正火既足。則虛邪之火無從而犯。虛熱不生而蟲又何從而生乎。况方中梔子白薇原是殺蟲之聖藥。同驢溺用之。尤能殺蟲於無形。此拔本塞原之道。不同於單味偏師取勝於一時者也。

此症用鋤種

湯亦神效

鍊樹根一兩。檳榔厚朴炒梔子百部各一錢。白朮茯苓史若子肉各三錢。水煎服。腹後不可用飲食。須忍飢。半日亦不可用茶水。二劑蟲盡死而愈。

人有食後必吐出數口。卻不盡出。膈上時作聲。面色如平人。人以為脾胃中之氣塞也。誰知是膈上有疾血相結而不散乎。夫膈在胃之上。與肝相連。凡遇怒氣則此處必痛。以血之不行也。血不行則停積而血成死血矣。死血存於膈上。必有碍於氣道。而難於升降。氣血阻住。津液遂聚而成痰。痰聚而成飲。與血相搏而不靜。則動而成聲。本因氣而成動。又加食而相犯。勢必愈動而難安。故

必吐而少快也。至食已入胃，胃原無病，胃自受也。寧肯茹而復吐乎？此所以既吐而又不盡出耳。然則治法，但去其膈上之痰血而吐病不治而自愈也。方用瓜蒂散加味。吐之瓜蒂七枚，蘆葦子三錢，韭菜汁一合，半夏三錢，天花粉三錢，甘草三錢，枳殼一錢，人參一錢，水煎服一劑，即大吐去痰血而愈。不必二劑也。瓜蒂散原是吐藥，得蘆葦子枳殼以消食，得半夏天花粉以蕩痰，得韭菜汁以逐血。誠恐過於祛除，未免因吐而傷氣。又加入人參甘草以調和之，使胃氣無損，則積滯易掃，何至惡食而再吐哉？此反胃因其食後輒吐，有似於反胃，故同反胃而共論之也。

此證用清膈散甚佳。

天花粉桑白皮各三錢，生地白芍各五錢，紅花一錢，桃仁十箇，杏仁十箇，枳殼五分，甘草一錢，紫苑一錢，水煎服四劑全愈。

噉脹門

人有兩足附上，先腫漸腫，脹至腹按脹上如泥之可搏，小便不利，大便反結，此由土氣之鬱，非水腫也。人生脾胃之氣健旺，則土能剋水而水自灌注於經絡，兩不相碍也。惟脾胃氣虛，則土不能轉輸水精於上，而胃中之水積而不流，於是浸淫於表裡皮毛而無所不到也。然而脾胃氣虛，非脾胃之故也。由於腎氣之虛，則土無升降之氣，而土乃鬱而不伸力，不能剋水使水來相侮，而脾胃之氣愈虛也。夫腎司開闔，腎氣從陽則開，腎氣從陰則闔。陽太盛則水道大開，陰太盛則水道常閉。陽為腎中之火，而陰為腎中之寒也。腎寒則脾胃亦寒，水畏熱而不畏寒，土之所以難剋水也。然則治水腫之法，為可舍補腎之火而 he 求畜水之土哉？雖然水勢滔天，補火以生土，迂緩而

不用甘
遂而能
逐水真
妙方也

洩水不傷正氣甚屬妥當

難以決排放水以全土利便而易於畜泄故補腎中之火可治久病之水臃洩脾胃中之水實益初病之水脹也下身脹而上身未脹正初起之病宜急洩其水之為得方用洩水至神湯大麥鬚二兩茯苓一兩白朮二兩小赤豆三錢水煎服一劑而腹必雷鳴瀉水如注再劑而水盡泄無遺不必三劑也論理牽牛甘遂之方未嘗不可用但慮世人天稟日薄而脾胃腎三經多虛恐不勝藥力之過迅故改立此方於補中瀉水正氣無傷而邪水盡出之為妙方中白朮茯苓健脾胃之土又能通脾胃之氣則土之鬱可解土鬱既解力足以制水矣况大麥鬚能消無形之水亦小豆能洩有形之溼合而相濟自能化水直出於膀胱由尾閭之間盡瀉而出也

此證用冬瓜湯亦甚效

冬瓜一箇煎水十盞另用白朮三兩車前子五錢肉桂二錢將冬瓜水煎湯二盞先用一盞少頃又用一盞其水從大便而出一劑而脹腫全消

人有水腫既久偏身手足俱脹面目浮口不渴而皮毛出水手按其膚如泥此真水臃也乃土氣鬱塞之甚故耳夫土本剋水何為反致水侮蓋土虛則崩土崩則淤泥帶水而流緩於是日積月累下焦阻滯而水乃上泛脾胃之中原能藏水然水過於多則脾胃不能受乃散布於經絡皮膚迨至經絡皮膚不能受勢不得不流滲於皮膚之外泛濫於一身不用下奪之法何以瀉滔天之水哉方用決水湯車前子一兩茯苓二兩王不留行五錢肉桂二分赤小豆三錢水煎服一劑而小便如注不絕二劑而腫脹盡消矣論理用雞屎醴逐水亦有神效然而雞屎醴逐水從大便而出而此方逐水從小便而出也水從大便出者其勢逆水從小便出者其勢順逆則效速而氣傷

脾肺腎
三經之
虛亦成
喘脹喻
嘉言嘗
論之矣

順則效緩而氣固。此方利水從小便而出，利其膀胱也。凡水必從膀胱之氣化而後由陰器以出。土氣不宣，則膀胱之口閉，吾用王不留行之迅藥以開其口，加入肉桂引車前、茯苓亦小豆直入膀胱而利導之。茯苓車前雖利水而不耗氣，而茯苓具是健土之藥，水決而去又不崩。此奪法之善也。至於臍突、手掌無紋，用此方尚可救也。惟是服此方瀉水而愈，必須禁用食鹽一月，倘不能禁，則又脹矣。脹則不可再治也。

此證亦可用冬瓜湯更加劉寄愁
一兩茯苓一兩服之亦水瀉而愈

人有氣喘作脹、腹腫、小便不利、大便亦澹，漸漸一身俱腫，人以為水臌也，不知乃脾胃腎三經之虛也。夫水氣不能分消，大都病在胃，然胃之所以病者，正由於三經之虛耳。胃為水穀之海，凡水入於胃為歸，蓋五臟六腑之大原也，但胃能容水而不能行水，所恃脾之散水以行於肺，肺之通水以入於膀胱，腎之化水而達於小腸也。惟脾虛則不能散胃之水精於肺，而病在中矣；肺虛則不能通胃之水道於膀胱，而病在上矣；腎虛則不能司胃之關門，時其輸泄而病在下矣。三經既虛，而胃中積水浸淫，遂偏走於經絡皮膚而無所底止矣。治法補其三經之氣，而胃氣自旺，胃氣旺而腫脹盡消。方用消脹丹：白朮三錢、茯苓一兩、麥冬五錢、熟地五錢、山藥一兩、芡實五錢、蘇子一錢。水煎服一劑，而喘少定；二劑而脹漸消；十劑而小便利；二十劑而一身之腫無不盡愈也。方中白朮、茯苓以健其脾，土麥冬、蘇子以益其肺，全熱地、山藥、芡實以滋其腎，水有然脾氣旺而不至健運之失，職肺氣旺而不治節之不行，腎氣旺而不至於關門之不開，水自從膀胱之府而

盡出於小腸矣安得而再脹哉

此證用百合消
服湯亦效

白朮芡實各一兩茯苓百合各五錢山藥一兩肉
桂二錢人參三錢水煎服十劑少愈三十劑全愈

人有腰重脚腫小便不利或肚腹腫脹四肢浮腫喘急痰盛不可以卧此肺腎俱虛之病非臆脹也夫水證多是脾胃之虛茲何以肺腎之虛亦成水脹耶不知肺虛必盜脾胃之氣而腎虛則不能生脾胃之氣二經既虛則脾胃之氣更虛土難生金而肺之氣化不行而腎之關門不開矣於是水不能消而泛濫一如水腫之病也治法似宜補肺而兼補腎然而補肺又不若竟補腎之為得蓋肺雖生腎然止能生腎水而不能生腎火也脾胃必得腎火以相生水氣必得腎火以相化况補腎則肺不必來生腎水而肺全自安矣是補腎即所以補肺也方用金匱腎氣丸茯苓十兩附子一個牛膝三兩官桂二兩熟地四兩山藥六兩丹皮二兩澤瀉四兩車前子三兩山茱萸二兩各為末蜜為丸每日早晚白滾水各送下壹兩服三日而小便利再服三日而腰輕服十日而上下之腫盡消服二十日而喘急痰盛無不盡除服一料完全愈再服一料斷不再發也此方經後人改竄分兩以致肺腎之水脹多至不效因世人畏茯苓澤瀉之過於泄水耳不知水勢滔天既不用掃蕩之藥以決水乃畏利導之品而不用之以消水乎故必須多用茯苓車前為君則水可泄之使從膀胱而下出然而腎之關門不開非附子肉桂回陽助火蒸動腎氣則關何以開腎關不開而胃之積水何以下哉故必用桂附以開關關既開矣則茯苓車前牛膝得盡利水而直下又

脾胃得
火始得
割火然
得火者
必得腎
中之火
也腎火
非真火
不生故
於水中
補之

恐水過於利未免損傷陰氣得熟地山藥丹皮以佐之則利中有補陽得陰而生則火無炎亢之虞土有升騰之益誠治水之神方補土之妙藥也世人儻疑吾說之偏而忘增藥味或更改輕重斷不能收功也

此證用溫腎清

水湯亦效

人參三錢熟地五錢山藥一兩山茱萸三錢茯苓一兩肉桂二錢薏仁五錢水煎服二十劑即愈

人有手足盡脹腹腫如臃面目亦浮皮膚流水手按之不如泥但隔下成孔手起而脹滿如故飲食知味大便不澀泄小便閉澀氣喘不能卧倒人以為水臃之證而不知乃腎水之衰也真水足而邪水不敢橫行真水衰而邪水乃致泛決况真水既衰則虛火必盛虛火既盛而真水力不能制則火性炎上三焦之火與衝脈之屬火者皆同群助逆無不逆冲而上行矣火既上冲而水從火泛上走於肺喘嗽而不寧矣卧主腎腎氣既逆安得而卧耶人至不得卧則肺氣夜不得歸於腎之中而腎之中水空而無非火氣則肺之氣不得久留於腎仍歸於肺經母因子虛則清肅之令不行於膀胱於是水入於膀胱之口而膀胱不受乃散聚於陰絡隨五臟六腑之虛者入而注之不走小腸而走手足皮膚而毛竅出水也此種水症必須補腎之水以制腎火尤宜補肺之金以生腎水蓋腎水不能速生惟助肺氣之旺則皮毛閉塞而後腎氣下行水趨膀胱而不走腰理矣方用六味地黃湯加麥冬五味治之熟地二兩山茱萸一兩山藥一兩茯苓二兩丹皮六錢澤瀉一兩麥冬一兩北五味三錢水煎服一劑可卧二劑水如注四劑而一身之腫盡消十劑而諸

補腎火以生土則脾胃健而水化人多知之若單補腎水以消服世絕無如之者今經遠公關發又何

憂腹脹
之難治
故

蟲血之
腹胃氣
者可用
攻法益
胃弱者
尚須斟酌
難逐
微湯補
多攻於
亦未可
輕用也

證痊愈後服補腎肺之藥尤須戒色至一年禁鹽至三月否則雖愈而必發也蓋此症原有腎火故補水而不必補火也腎虛以致火動肺虛以致水流補其水則火自靜補其金則水自通實有至理而非泛然以作論也

此症用健腎湯亦佳

熟地茯苓各二兩麥冬蓮子連心用各五錢艾實山藥各一兩水煎服二劑而脹消十劑全愈

人有單腹脹滿四肢手足不浮腫經數年不死者非水脹也蓋水脹不能越兩年未有不皮膚流水而死者今經數年不死皮膚又不流膿豈是水脹之症乃蟲結於血之中似脹而非脹也夫此症何因而得飲食之內或食生菜而有惡蟲之子入腹而生蟲或食難化之物久變為蟲血即裹之不化日積月累血塊漸大蟲生遂多所用食物止供蟲食即水穀入腹所化之血亦為蟲之外郭而不能灌注於各臟腑矣此等之症最忌小便不利與胃口不健者難以醫療倘小便利而胃口開均可治之蓋小便利者腎氣能通於膀胱也胃口開者而心氣能行於脾胃也二臟之氣有根可用殺蟲下血之藥而無恐以其本實未撥也方用逐穢消脹湯白朮一兩雷丸三錢白薇三錢甘草一錢人參三錢大黃一兩當歸一兩丹皮五錢蘆菔子一兩紅花三錢水煎服一劑腹內必作雷鳴少頃下惡物滿桶如血如膿或有頭無足之蟲或色紫色黑之狀又服一劑大瀉大下而惡物不留矣然後以人參一錢茯苓五錢薏仁一兩山藥二兩白芥子一錢陳皮五分白朮二錢調理而安前方用攻於補之中雖不至大傷臟腑然大瀉大下畢竟元氣少損故穢盡之